

امور تحریر یہ ایچون فؤاد بکہ
وامور اداره ایچون آرتین افندیہ
مراجعت اولنور.

— ❦ —

مسلمکمزہ موافق آثار قبول اولنور.
درج اولنمیان اوراق اعاده اولنماز.

معارف و مسائل

اداره خانہ سی باب عالی جادہ سندہ
۵۲ نومرولی « شرکت مرتبہ »
مطبوعہ سیدر.

— ❦ —

استانبول ایچون سنہ لکی مطبعہ دن
آلنقی شرطیلہ ۴۰ طشرہ لره پوستہ
اجرتیلہ برابر ۶۰ غروشدر.

نسخہ سی ۱ غروش

پنچشنبہ کونہری نشر اولنور ادبی، فنی و صناعی غزٹہ در

نسخہ سی ۱ غروش

دریسی) ديه صائدقلى الديونلر اولسون ؟
 فاره دريسى ديهل اهن ميدانه كلديكي والى
 دها يومشاق وكركن طوديني ايچون كچي
 دريسنه ترجع ايدلمش اولمالى ! والحاصل
 فارمك اوتار و عظامى صوده قايناديله رق
 آندن ده « پلته » استحصال اولنوركه بوده
 (شكرمه) اعمايه يارار ! .

استادان كيماكرانك قانون طبيعته اقتنا
 ايدهرك عالمده هيج برشيئي عاطل و مهممل
 بر اقامق و آنلك هر برندن بر صورتله استفاده
 يولنى آرامق امرنده كي غيرت و مساعيرينه
 تشكر ايدهرز . فقط ، مطبخلر يمزك قاشيق
 و تيجرلر يني كيما ، عمليا تخانه سي انيقلرينه چوير-
 مه ماريني ده عاجزانه رجا ايلرز .

تاريخ

« يهوديلر »

(مابعد)

داود عليه السلامدن صوكره مخدوم
 مكرملرى حضرت سليمان بنى (عم) اون
 يدى ياشلر نده بولندينى حالده مقام رياستى
 تشریف بيوردى . بنى ذیشان مشاراليه دخی
 بدر عاليلى كچي نبوتله سلطنتي ذاتنده جمع
 ايله اجراي احكام الهييه بنل مقدور
 ايتمشلر واولزمان مصر حكمدارى بولسان
 ذات ايله عقد مصالحه ايدهرك موسى الهيك
 كريمه سنى ده حباله ازدواج عاليلى نه المشلردر .
 حضرت سليمان (عم) ك اثر پدريه
 اقتفاء اتخاژ ايتمش اولدينى عدل وحقانيت
 و محبول اولدقلى شيعه جليله عقل وكياست ،
 نام عاليلى بنى بتون جهانك مسامع شكران
 و تقديرينه اتصال ايتمش وزمان سعادتلر نده
 واداره عادلر نده ، فرات واديسندن ارض
 فلسطينه و مصره قدر امتداد ايدن اراضى

اوزرنده حكمفرما اولان حكومت اسرائيليه
 نائل كمال امن و آسايش اولمش ايدى .
 اشبوزمان مسعدت اقتراك شكرانه سى اولمق
 اوزره « موسى » (عم) ك سحراده انشا
 بيورمش اولدينى مسجد شريفه نمائل اولهرق
 طرز لطيف و دلنشينده بر (بيت المقدس نام
 ديكرله مجداقص) انشاسنه تشبث اولنوب يدى
 سنه ده تمام ايدلدى . سليمان (عم) مرتب آلاي والا
 ايله بومعبدالينك رسم كشاديني اجرا بيوردى .
 بنى مشاراليه حضرت نلرينك مدت حكومتلى
 قرق سنه اولمق اوزره مقيد بولمسه كوره
 اللى سكرن ياشلر نده ارتحال دارعقا ايله دكارى
 آكلادشيلور .

حضرت سليمان (عم) ك وفاتندن
 صوكره حكومتى اون شعبه يه انقسام ايتدى .
 يهوديلردن بر قسمي « يروبعام » نام ذاتك
 تحت رياستنده « حكومت اسرائيليه » ناميله
 آريجه براداره تشكيل ايدوب اصنامه پرستش
 طريق ناهموارينه صايدلر . بونلرك ريئى
 ديكر شعبه لردن يالكز « يهودا » و « بنيامين »
 قبائلى محافظه و حمايه ايديه بيلدى .

اقوام اسرائيليه نك بوضوكله انقسامى
 [۹۸۰ قبل الميلاد] ، حكومتلرينك « داود »
 عليه السلام زماننده اكتساب ايله مش اولدينى
 شان و شرفدن مهوريته باعث اولدينى
 كچي ديناً و سياستاً حاز اولدقلى صلابت
 و نفوذكده ضياعنى موجب اولدى .

ديكر قبائل اسرائيليه رؤسايى — كه
 كنديلر يني باشقه باشقه برر حكمدار عد
 ايتمشلر ايدى — قدس شريفه رقابت ايديه
 يملك اميله « سامريه » شهريني تأسيس
 ايتديلر . بو آراق عصرده اجراي حكومت
 ايدن فراغه شو رقابت و تفرقه دن استفاده
 ايله ارض فلسطينك بر قسمنه استيلا ايله دكارى
 كچي بر آز صوكره « آثوريه » حكمدارى
 « سالمانازار » دخی « سامريه » قصبه سنى يد
 ضبطه كچيره رك سكه سنندن بر قسمنى ائتلاف

وحياتده قالانلر يني محبوساً نينويه اعزام
 ايتدى . يوقارنده صورت تشكيلى عرض
 ايدلمش اولان حكومت اسرائيليه نك وجودى
 بو وقعه يني متعاقب اورته دن قالمش اولدى
 [۷۱۹ قبل الميلاد] كه بونلرك مدت اداره لرى
 ۲۴۴ سنه دن عبارتدر .

« سالمانازار » ه خلف اولان مخدومى ،
 پدريك « سامريه » قصبه سى واهاليلى
 حقنده اجرا ايله ديكي معامله يه مشابه بر
 حر كتنده بولمق مقصديله قدس شريفى
 محاضره ايتمش اينسده « ژودا » حكمدارينك
 معاونت و هميتى سايه سننده يهوديلر كمال
 جسارتله مدافعه ايتدكلرندن بومقصدينك
 اجر اسنه موفق اوله ماديني كچي عسكرى ده
 كلياً منهزم اولدى .

شومظفريت ، اسرائيللرك اضمحلالندن
 صوكره قالمش اولان « ژودا » حكومتك
 بر عصر دن زباده مدت دهسا بقاسنى تأمين
 ايتدى . يهوديلر بومدت طرفنده آثوريه ليلرك
 مهاجماتيه قارشى وقوع بولان مدافعات
 جسورانه لرينك اكثر نده مظهر موفقيت
 اولديلر سده نهايت بابيللر طرفندن دوجار
 انهزام ايدلديلر .

بابل حكمدارى « بخت نصر »
 ميلاددن ۶۰۶ سنه مقدمنده قدس شريفى
 محاصره ايله ضبط و احراق و بو آراق قدسده
 اجراي حكومت ايدن « سده سياس » ي
 واهالى ي اسير ايتدى . ايسته يهوديلرك ،
 بابيلر زير تغلبنده يتمش سنه امتداد ايدن
 مدت اسارتلى بوتارينچدن باشلار .
 (مابعدى وار)

